

Ex ipsa igitur facultatis logistice vena velut ex fonte scaturiens ars, veritatis  
omnimode pervigil indagatrix, que scilicet ad omnium methodorum  
principia viam habet et sue in se magnanimitatem retinens genitricis  
ruinosis causarum non turbatur incursibus, ymo rerum disquirit seriem et  
5 discriminat seriatim ancipiti gladio a veris conmenta recidens mendacii  
adulteram sophistarum ypocrisim denudando, qui sub veri pallio nituntur  
inducere falsitatem, coloris adventicii murice superficietenus purpuratam.  
Hec est dyalectica, cuius diescens radius scintillationis splendoribus  
indefesse, postquam mentis penetralia subintravit, purgat tenebrarum P 92<sup>va</sup>  
10 caliginem, sensualitatis fugat ineptiam, et habundantibus sue serenat  
animum  
diviciis claritatis acute diffiniens, subtiliter parciens, et argute describens V 41<sup>f</sup>  
sagaci doctrina, cura pervigili, et solercia studiosa. Que cum disputationis  
ingreditur agoniam, ut vires partis deviret opposite, conatus confringat  
15 hostiles, et ad metam deducat adversarium irrefragabilibus sibi  
argumentacionibus concludendo, locorum sufficiens copia suffragatur, qui  
argumento grata sedium subsellia voluntate spontanea exhibentes ipsum  
stabilis muniunt robore firmitatis et maxime maximarum potencia fulciunt  
communitum. Quam fatigat multociens litigiosi garrulitas sillogismi,  
20 precipue quando elenchus seu materia peccaverit, sive forma, ubi essentia  
degenerans a reali elenchi mentitur faciem fucis quidem sophisticis,  
paralogizans oculos disputantis, a qua, dum federe complacito et firmis  
quasi amicicie nexibus

02 scilicet: *om.* E – 04 incursibus: *decursibus* P – 06 sophistarum: *sophistorum* E; veri: *vero* E;  
inducere: *induere* E – 12 acute: *actute* P – 13 Que: *Qui* C – 14 deviret: *deveniret(?)* V P; opposite:  
opporre C – 18 muniunt: *munivit* V P E – 19 sillogismi: *silogismi similiter (silogismi a. m. in  
marg.)* P – 22 paralogizans: *palogisans* C, *paralogizans ... nexibus a. m. in marg.* P – 23 amicicie  
*nexibus iter. (in textu et in marg.)* P